


D5 Eksperimentur



E Erna Lauenburger sas jek têrni Sintica anda Berlino. Kana barilisas munčisajli voj ando Magdeburg haj kote mêtisajli taj bijandja šavořen. Ando bêš 1943 angêrde la peskê do šejořanca ando Auschwitz-Birkenau. O Josef Mengele, o doktoro kata SS, kêrdja pe late zorasa medicinakê eksperimentur taj mundardja la palal eka otrovnona suvjasa. Vi lakê duj šejořa xaile ando Auschwitz, lako řom o Otto Schmidt mulo ando KZ Buchenwald. E Erna Lauerburger sas o idolo pala e šavořêngî knjiga „Ede und Unku“ kata o Alex Wedding. E knjiga ramol pa o amalimos kata jek berlinosko raklořo jek sintickona šejořasa. Ande vrjama mařkar o angluno taj o dujto ljumako marimos sas „Ede und Unku“ jek kata l' maj ašunde šavořêngê knjige. E knjiga sas vi baza pala 'k filmo. Ando bêš 2011 thode ando Berlino, ando Friedrichshain vi o anav jeka ulicako pala Ede taj Unku.

💡 Žanglen tumen

...kê miji de miji řobon –Řoma taj Sinti, jevrejur taj gojim, but lendar sas bêjatur- mundarde le doktorja kata SS ka l' medicinakê eksperimentur?

...kê le viktimir kata kadala eksperimentur ašile – te nakhle žuvindes o genocido – antrego pesko trajo bangê, hendikepime?

✍ Tumari bući

Le doktorongê čisar naj slobodno, te kêren bi-dozvolime eksperimentur, bi te na žanen le pacijentur pa kodja. Sostar ignorišisarde doktorja pe svako vrjama kodola regule?

📷 Paj fotografija

Knjigaki korica kataj angluji knjigaki edicija, o dizajno kêrdja o John Heartfield fotografijenca kataj Erna Lauenburger taj kata lako amal Ede. Malik Verlag Berlin/Deutschland.



<https://www.romasintigenocide.eu/kelderash/d>

1910

1951

1931-43